

四庫全書

史部

欽定四庫全書

史部

金薤琳琅卷

一至三

詳校官編修臣潘庭筠

編修臣程嘉謨覆勘

總校官庶吉士臣倉暉脉

校對官中書臣孫球

謄錄監生臣吳壽朋

欽定四庫全書

史部十四

金薤琳琅

目錄類二 金石之屬

提要

臣等謹案金薤琳琅二十卷明都穆撰穆有
壬午功臣爵賞錄已著錄是書仿隸釋之例
取金石文字蒐輯編次各為辨證凡周刻二
秦刻六漢刻二十三隋刻五唐刻二十七於
古碑皆錄原文其剝落不完者則取洪适隸

釋補之不盡據石本也潛研堂金石文跋尾
論其載韓勅造廟禮器碑不知隸釋所錄但
有碑陰而無兩側乃誤合兩側於碑陰更譏
洪适之闕漏又論其所釋兩側之文以河南
匱師為河浦退師任城亢父為侯成交父舛
謬殊甚今考其中若第七石鼓內游字下一
字石鼓作𠂔薛尚功作憂此乃作夏會稽石
刻無皐之皐即罪字此作辜字書體頗誤又

泰山石刻既天下句秦篆譜既字下有平字
與史合而此碑於既字下不註闕文疎略尚
往往而有然所錄碑刻具載全文今或不能
悉見金石文跋尾謂所載貞元九年姜嫄公
劉廟碑今已損失三十餘字是可以備參核
矣穆別有南濠文略六卷其後二卷即此書
所載諸碑跋蓋用集古錄跋尾編入本集之
例然穆之文章在可傳可不傳之間不若以

此本孤行也乾隆四十二年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

金薤琳琅卷一

明都穆撰

周壇山石刻

吉日癸巳

贊皇縣壇山上有周穆王刻石四字曰吉日癸巳筆
力遒勁有劒拔弩張之狀地荒且僻歷數千年鮮有
知其竒古而往寓目者雨激風射日銷月鏹幾何其

不遂湮沒廣平宋公皇祐四年秋九月自亳社之鎮
鎮陽趙其屬郡也公過趙日嘗訪此字於士大夫間
爾後郡守王君使縣人尋訪得之巖石之上令劉莊
者因督工鑿取輦置歸我時人始驚觀者日至噫此
刻埋沒人不知識因宋公一言今遂出幽晦取愛重
於石雖不能言其亦可謂得所遭矣中祐昔聞其妙
近幸權守於此而覩其真且懼經歷久遠一旦圯剥
或墜於地失前妙絕之迹廼俾闢石糊灰括以堅木

饒廳事右辟而陷置之覆蓋固護庶永存而無弛時
皇祐五年孟夏廿一日權郡事李中祐記

右吉日癸巳四字相傳為周穆王書刻贊皇縣壇山
石上晉衛夫人謂李斯見周穆王書七日興嘆蓋指
此也歐陽公集古錄謂慶厯中宋尚書祁在鎮陽嘗
摹此字而趙州守將命工鑿山龕其字州解之辟聞
者嗟惜趙明誠金石錄謂穆王時所用皆古文科斗
書此字反類小篆而疑其非真予家舊藏此刻蓋宋

搨本有皇祐五年權郡事李中祐跋以其罕傳錄之
如右李跋謂皇祐四年宋公過趙尋訪得之縣令劉
莊督工鑿石輦置歸我則宋公之募字在皇祐而不
在慶厯縣令鑿取以歸於州則龕置州廨者中祐而
鑿石非其人也我朝宋學士景濂嘗摹其字重刻浦
陽山房仍自為跋謂吉日字與周淮父卣伯碩父鼎
齊侯罇鍾諸款識合又謂字形多類石鼓明誠已信
石鼓為周人書不當於此而疑之予觀李跋既得其

實惜歐陽公之未見而學士又考據精當足以祛後人之惑又按宋吳興施宿謂州廨舊石以政和五年取入內府皆後人所當知者故併著之

周石鼓文

一

闕四

而師

闕十

庶左

闕四

滔滔是熾

闕四

不具奪

闕五

肝來

闕六

具

闕四

樂天子

闕三

嗣

闕六

來

闕四

右文十行行七字重文者一共闕五十二字

二

我水既

關一
字

我道既平我

關一
字

既止嘉樹則里天子永

寧日維丙申

關四
字

我其用道我馬既陳敕

關一
字

康康駕

彼

關二
字

左驂馱馱

關二
字

漱漱扯

關二
字

女不

關三
字

翰靈

關二
字

字

我公謂天子余及如

關三
字

害不余及

右文十五行行五字末行四字重文者六共闕二十

一字

三

田車既安鑒

音條

勒馭馭

關一字

從既簡左驂旂旂右驂駛

駛我以濟于原我

關一字

戎止射宮車其寫秀弓寺射麋

豕孔庶麇鹿雉兔其原有紳其

關一字

奔大

關一字

出各亞

關一字

畀

關一字

執而勿射多庶趨趨

與轆同

君子攸樂

右文十行行七字末行六字重文者四共闕七字

四

關一字

鑾車華轡真真

音填關一字

弓孔碩彤矢四馬其寫六

轡騫騫徒馭孔庶廓宣搏搏首車載道徒如章原涇陰

赳赳

徐同

六馬射止族族

關一

如虎獸鹿如

關二

多賢赳

禽

關二

我兔允異

右文十行行六字末行五字重文者五共關八字

五

汧也沔承彼淖淵鰓鯉處之君子

關一

漁之漚又漚其

旂赳

初于反

帛魚

鰓鰓

洛音

其蘊氏鮮黃白其鰓又鰓

音

又

鯉

音

其胡孔庶繇之慶慶

丑若反

汧汧

音

赳赳

音

其魚維

何維鯉維鯉何以橐之維楊及柳

右文九行行七字末行五字重文者四共闕一字

六

右文五行行五字闕不成文

七

闕一

猷作原作

闕一

導適我治

闕一

除帥彼陟

音序

闕一

莽為

讀若

三十里

闕一

微微微

音

迺畧

闕一

栗柞械其

闕一

字

槃格庸庸鳴

闕一

亞若其華

闕一

為所旂夏

闕一

蓋

導音樹

闕一

合

模本下有

孫字非

金鑑琳琅

五

右文十一行行五字末行二字重文者二共闕十一字

八

我車既工

攻通

我馬既同我車既好我馬既阜君子員員

獵獵員旂麀鹿速速君子之求

闕二字

鹵

音調

弓弓茲以時

我毳其特其來趨趨

同趨趨

音憲

繁繁

音黃

即我即時麀鹿

趁趁其來大有我毳其樸其來遺遺射其獬獬

音委

蜀

右文十一行行六字重文者九共闕二字

九

闕三

天零雨霏流迄

闕二

淅滋君子

闕一

即涉馬

闕一

流

闕一

也洎洎

闕九

自廓徒颺

闕二

維舟以道或陰或

陽揖深以

闕三

于水一方

闕四

其奔

闕五

事

右文十一行行六字共闕三十一字

十

吳人憐丞

闕三

載西載北

闕四

而

闕三

用

闕六

大祝享

闕四

執寧逢中囿孔

闕一

鹿

闕五

瞳瞳大

闕五

求又

闕六

字是

闕二字

右文十行行八字末行二字共闕三十九字

三代文字之存於今者唯穆王吉日癸巳史籀石鼓文及商周鼎彝款識與吉日癸巳數字而已商周款識又不多得然嚴正婉潤端姿旁逸鉅利鉤殺則唯石鼓文耳惜其歲久剝落至唐始顯遂至紛紛疑議歐陽文忠謂其自宣王至宋千有九百餘年理難得存是不然也夫石刻之易漫者以其摹搨者多故也

今石鼓委置草萊泥土之中兀然不動至唐始出以故完美如初況其石之質頑性堅若為碓礧者哉此不足疑一也鄭漁仲謂是秦篆因其以毆為也見於秦斤以丞為丞見於秦權其文有曰嗣王有曰天子天子可為帝亦可謂王秦自惠文稱王始皇稱帝以為惠文之後始皇之前所作也余按易書經文無也字則知古轉用毆丞字正當從山取奉丞高意六月宣王之詩也曰王于出征以佐天子吉日宣王田獵

之詩也曰天子之所曰以燕天子祈父刺宣王之詩也曰予王之爪牙此不足疑二也溫彥威使三京以為後周文帝獵於岐陽所作蓋因史大統十一年西狩岐陽之語而云也尤為謬妄夫自秦漢晉宋隋唐以來苟能書者如斯冰瑗邕諸人皆名後世豈後周時有能書若此而不名乎況其詩詞嚴古尤非當時之人所能及者且蘇勗韋韓諸公去後周末遠不應謬稱如此不足疑三也故余斷然以為宣王田狩

之詩而史籀之書也蓋宣王田狩岐陽之時從臣贊
美刻詞出於一時若車攻吉日則田獵東都時所作
者其詞多與石鼓同如我車既攻我馬既同脩備之
詞一也麀鹿麀鹿麀鹿速速麀鹿逢逢獸多之詞同
也車攻曰四牡龐龐四牡奕奕吉日亦曰四牲孔阜
蓋即石鼓趯趯六馬四馬其寫之謂也他如駕言徂
東駕言行狩即我其用道之謂也曰建旒設旒悠悠
旒旌即其旂昌旂之謂也曰會同有繹即來樂天子

之謂也曰兩驂不猗不失其馳即左驂旂旂右驂健
驂之謂也曰允矣君子展也大成以燕天子即君子
乃樂天子永寧之謂也曰吉日維戊吉日庚午即日
維丙申之謂也曰田車既好即田車既安我車既好
之謂也曰從其群醜瞻彼中原其祁孔有即我以濟
於原我戎止射其來大有其來遺遺之謂也曰儻儻
俟俟即慶慶黃黃之謂也曰殪此大兕即我毆其特
之謂也又況石鼓漫滅者多其詞繁而不殺不若車

攻吉日二詩嚴肅簡潔足該十篇之意故偶見刪削
古詩三千餘篇而夫子定為三百篇者此類是也若
以不見收錄而遽疑之則論語所引素以為絢兮偏
其反而之句皆逸詩也豈可以是而盡疑論語乎前
人音辯類有得失或前後之相遠或多寡之不同歐
陽集古所錄可見者四百六十五字胡世將資古所
錄可見者四百七十四字吾衍氏視資古又加三字
予嘗得宋搨本雖不能如集古資古吾氏所載然較

之今世所有者極為精好因裝潢成軸每鼓後以釋
文譜之其闕文則一依吾氏及潘氏云時洪武乙丑
夏五月朔趙古則書

右石鼓文宋代搨本洪武中藏於餘姚儒者趙古則
後歸予家石鼓昔人論之詳矣趙氏跋謂溫彥威使
三秦以石鼓為後周文帝獵於岐陽所作而斷其繆
妄予按姚氏殘語云彥威使三秦此得之偽劉詞臣
馬定國然亦非也金元好問編中州詩定國小傳云

仕金翰林學士考石鼓字畫定為宇文周時所造作文辨之萬有餘言元天台劉仁本為石鼓論本之定國而斷其非史籀之書二子繆妄固不俟言跋復謂蘇勗韋韓諸公去後周末遠不應繆稱如是而以其言為可信予觀應物退之其去後周似為遼潤勗貞觀時仕吏部侍郎視後周則誠未遠又按李嗣真書後品張懷瓘書斷亦皆以石鼓為史籀書嗣真高宗時人而懷瓘老於開元則稱石鼓為籀書者始於蘇

氏繼於李張而退之直據之耳古則字撫謙宋宗室
之後讀書博古尤精字學所著有六書本義聲音文
字通二書嘗仕廣東瑤山教諭卒於官

鄭夾漈謂石鼓至唐始出於岐陽鄭餘慶取置鳳翔
孔廟而亡其一皇祐四年向傳師求於民間得之十
鼓遂足王順伯謂五代之亂鼓復散失司馬池復輦
致府學其一鼓已亡向傳師搜訪足之二說皆同予
近見傳師跋謂數內第十鼓較之文亦不類訪於閭

里果獲一鼓字雖半缺驗之書體真得其蹟遂易而置之其數方備乃知第十鼓其先蓋嘗有偽為者至傳師而真鼓始復此皆王鄭之所未及豈其未嘗見向跋邪鄭復謂大觀中鼓置之辟雍復取入保和殿經靖康之變未知其遷徙與否王則謂大觀中鼓歸京師詔以金填其文靖康之末保和珍異北去或傳濟河遇風棄之中流而存亡未知後王子充題此謂金人入汴剔取其金而棄去之至元乃輦至京師置

於國學廟門之下予按胡世將資古錄云崇寧中蔡京作辟雍取十鼓置講堂後辟雍廢徙置禁中則置之辟雍者蔡氏而所謂禁中即保和殿也若王鄭之未知其遷徙存亡蓋當是時北方非中國所有而二公又皆南人故云然也及觀之虞伯生云金人得汴梁鼓亦北徙留王宣撫宅宅後為大興府學伯生助教成均言於時宰得置之國學大成門內則淪入濟河與夫金人棄之之說皆不足信不知二王何從而

得此也鼓今在北京國子監即元之舊地予官禮部
時嘗命工搨之字多漫滅較之宋本僅十之二三而
已

金薤琳琅卷一

欽定四庫全書

金薤琳琅卷二

明 都穆 撰

秦嶧山刻石

皇帝立國維初在昔嗣世稱王討伐亂逆威動四極武
義直方戎臣奉詔經時不久滅六暴強廿有六年上薦
高號孝道顯明既獻泰成乃降專惠親軋遠方登於嶧
山羣臣從者咸思攸長追念亂世分土建邦以開爭理

功戰日作流血於野自秦古始世無萬數陀及五帝莫
能禁止迺今皇帝壹家天下兵不復起燭害滅除黔首
康定利澤長久羣臣誦缺刻此樂石以著經紀皇帝曰
金石刻盡始皇帝所為也今襲號而金石刻辭不稱始
皇帝其於久遠也如後嗣為之者不稱成功盛德丞相
臣斯臣去疾御史大夫臣德昧死言臣請具刻詔書金
石刻因明白矣臣昧死請制曰可

秦相李斯書嶧山碑跡妙時古殊為世重故散騎常

侍徐公鉉酷耽玉箸垂五十年時無其比晚獲繹山
碑摸本師其筆力自謂得意於天人之際因是廣求
已之舊跡焚擲略盡文寶受學徐門粗堅企及之志
太平興國五年春再舉進士不中東適齊魯客鄒邑
登嶧山求訪秦碑邈然無覩逮於旬浹怊悵於榛蕪
之下惜其神蹤將墜於世今以徐所授摸本刊石於
長安故都國子學庶博雅君子見先儒之指歸淳化
四年八月十五日承奉郎守太常博士陝府西諸州

水陸計度轉運副使賜緋魚袋鄭文寶記

右秦嶧山刻石宋淳化中太常博士鄭文寶以徐鉉
摸本刻之長安者唐封演謂此碑歷代摸搨邑人疲
於供命聚薪焚之邑令取舊文刻置縣廨則嶧山前
此嘗有是刻蓋至唐而始焚歐陽公以嶧山無此而
疑其非真非也宋董彥遠書跋謂其文考於史記多
不合而疑傳者之誤今史記實無此文則傳者未必
誤特董氏之自誤耳自文寶刻徐氏本其後翻本頗

多世之評者謂長安第一紹興第二浦江第三應天府學第四青社第五蜀中第六鄒縣第七又予聞之先師李文正公言嘗見秘閣舊本才二十五字今所傳徐本乃其全文而字復加大何哉

此碑自皇帝曰以下乃二世詔文在始皇刻石之旁子見泰山碑如此鄭文寶不見秦刻其所刻乃徐氏摹本故牽聯誤書然此碑非文寶之傳則後世不復再見文寶可謂有功於字學者而宋史列傳不言其

能書殆以政事而揜之耳

秦泰山刻石

皇帝臨立作制明

闕五

廿

闕一

六

闕二

并

闕三

不

闕三

字

輒遠黎登茲

闕一

山

闕四

從

臣

思

迹

本

原

闕五

德

闕一

字

道

闕一

行

諸

產

得

宜

闕四

右文五行行十二字存者三十字闕三十字在石之

西面

大義著明陟于後嗣

闕四

皇帝躬聽既平下

闕五

興夜

寢建設長

闕五
字

右文三行行十二字存者二十二字闕十四字在石

之北面

闕一
字

經宣達遠近畢理

闕四
字

貴賤分明男女體順慎

闕三
字

字

昭隔內外靡不清

闕五
字

化

闕一
字

無窮

闕一
字

奉遺詔

闕四
字

字

皇帝曰金石刻盡始皇帝

闕七
字

金石

右文六行行十二字存者四十一字闕二十六字在

石之東面

刻辭不稱始皇帝其於久遠

闕一字

如

闕二字

為之者不稱

成功

闕二字

丞相臣斯臣去疾御史大夫臣

闕一字

昧死言

臣請具刻詔書金石刻因明白矣臣昧死請

右文七行行十二字存者五十一字闕六字在石之南面

右秦泰山刻石歐陽公謂其友江鄰幾嘗至泰山視秦刻石所存僅數十字而其本乃鄰幾所遺趙明誠

謂宋真宗東封兗州守摹本以獻凡四十餘字後宋
莒公刻之於石其說與歐陽公合明誠復謂大觀間
汶陽劉跂親至太山絕頂見碑四面有字乃摹其文
刻石自為後序謂之泰山秦篆譜明誠復以史記與
譜較之不同者凡十數字謂足以正史氏之失予家
舊藏此刻僅五十一字乃二世詔即歐陽公所謂江
鄰幾本趙氏所謂兗州及宋莒公摹本是也近得劉
譜視前加九十三字後序謂篆石埋植土中崇四五

尺五十一字在南面稍平故嘗為人摹搨其三面皆殘闕蔽闇跂刮摩垢蝕而字始出蓋刻文起西面而北而東而南共二十二行其末行制曰可三字復轉刻西南稜上由是篆文首尾幾於復完而俾之傳世此則跂之功也董氏書跋謂二世詔書宜在石陰而今在其南始皇之詔乃在北西東三面蓋碑石嘗什後之人以一面稍完故樹之南向董又謂石崇九尺面方二尺餘而跂云石之崇五尺更俟登山訪之

歐陽文忠宋莒公皆不知嶧山碑四面有字蓋在劉
譜未出之前元吾衍子行號稱博洽其學古編云石
皆剝落唯二世詔一面稍見宣亦未嘗見劉譜邪

秦會稽刻石

皇帝休烈平壹宇內德惠攸長卅有七年親軔天下周
覽遠方遂登會稽宣省習俗黔首齊莊羣臣誦功本原
事迹追道高明秦聖臨國始定刑名顯陳舊章初平法
式審別職任以立恒常六王專倍貪戾傲猛率衆自強

暴虐恣行負力而驕數動甲兵陰通間使以事合從行
為辟方內飾詐謀外來侵邊遂起禍殃義威誅之殄熄
暴悖亂賊滅亡聖德廣密六合之中被澤無疆皇帝并
宇兼聽萬事遠近畢清運理羣物考驗事實各載其名
貴賤並通善否陳前靡有隱情節省宣義有子而嫁倍
死不貞防隔內外禁止淫泆男女絜誠夫為寄猘殺之
無辜男秉義程妻為逃嫁子不得母咸化廉清大治濯
俗天下承風蒙被休經皆遵軌度和安敦勉莫不順令

黔首脩絜人樂同則嘉保泰平後敬奉法常治無極興
舟不傾從臣誦烈請刻此石光陞休銘

李斯書嶧山頌淳化間守太常博士鄭文寶以徐鉉
所授本刻於長安國學泰山頌至元間行臺侍御史
李處巽獲劉跂所摸本刊於建鄴郡庠由是其迹僅
存而所傳浸廣予攷諸記載始皇及二世抵越取浙
江岑石刻頌於山亦斯筆也磨滅久矣好古博雅者
盖願見而不可得予乃以家藏舊本摸勒置於會稽

蠻舍庶與嶧泰等文並貽於後但史記攸長作脩長
世字作三十追道作追首又作追守軌度作度軌今
則俱依石刻至正元年辛巳歲夏五月望日承德郎
紹興路總管府推官東平申屠駟識

右秦會稽刻石按史記始皇三十七年上會稽祭大
禹望於南海立石刻頌秦德後其石人稱秦望山碑
山在會稽縣東南四十里宋書載竟陵王子良尅日
登秦望山主簿范雲以山上有始皇石刻人多不識

乃夜取史記讀之明日登山雲讀如流子良大悅以
為上賓則晉宋以來石固無恙歐陽公趙明誠皆好
集古文不應此獨見遺鄭夾漈通志金石畧雖嘗載
之而云疑在越州亦無真見此皆予之所未曉者元
至正初東平申屠子迪為紹興路推官以家藏舊刻
刻於路學即今之所傳是也然不知其先何從得之
予觀其字畫與嶧山碑絕類豈亦出徐鼎臣鄭文寶
之所摹而申屠氏嘗藏之歟

申屠氏跋謂石刻與史所載不同者數字今按史云
有子不嫁石刻作而嫁史云殺之無罪石刻作無辜
史云和安敦誠石刻作敦勉則又跋中之所未及漫
識之

秦之罘山刻石

右秦之罘山刻石所存僅二十字蓋二世詔也歐陽
公謂其刻與泰山嶧山文同而字畫皆異而惟以泰
山為真吾子行譔周秦石刻音釋亦謂其與琅琊石

文皆不類秦刻而不收錄及考之董氏書跋謂嶧山刻字與泰山似異疑古人於書形類不一則此又有不當疑者予又安能定是非於其間哉

此刻汝州帖亦嘗載之然字僅十五予家所藏視汝帖多御史大夫臣五字蓋宋呂公賜書堂本也

秦琅琊臺刻石

右秦琅琊臺刻石按史記始皇二十八年東行登琅琊樂之留三月作琅琊臺立石頌德趙明誠謂其頌

詩已亡所存唯從臣姓名及二世詔書然亦殘闕又
謂熙寧中密州守嘗摸搨刻之於石予家所藏乃宋
莒公刻本僅十有七字皆頌詩中語與密本不同俟
博識者辨之

秦詛楚文

久湫

久讀作故

又通作有

秦嗣王敢用吉玉瑄璧使其宗祝邵馨布愍告

于不顯大沉久湫以底楚王熊相之多罪昔我先君穆

公及楚成王實戮力同心兩邦若一絆以婚姻袵以齊

盟曰葉萬子孫毋相為不利親仰大沉久湫而質焉今

楚王熊相康

讀作庸

回無道淫泆耽亂宣侈競縱變渝盟

刺內之則暴虐不辜刑戮孕婦幽刺親戚拘圉其叔父

寘諸寘室櫝棺之中外之則冒改久心不畏皇天上帝

及大沈久湫之光烈威神而兼倍十八世之詛盟率諸

侯之兵以臨加我欲剽伐我社稷伐滅我百姓求蔑法

皇天上帝及大沉久湫之卹祠圭玉犧牲逮取我邊城

新郢

音皇

及郢

音於

長親我不敢曰可今又悉興其衆張矜

億怒飾甲底兵奮士盛師以偪我邊境將欲復其眚

音凶

迹唯是秦邦之羸衆敝賦輸

讀作鄰

輸

音俞

棧輿禮使介老

將

去聲

之以自救也亦應受皇天上帝及大沉久湫之幾

靈德賜克劑楚師且復略我邊城敢數

上聲

楚王熊相之

倍盟犯詛著諸石章以盟大神之威神

巫咸

文與久湫同

亞駘

亞駘讀作呼施
文與巫咸同

右秦詛楚文凡三曰久湫曰巫咸曰亞馳其石皆出
宋世說者謂初得巫咸文於鳳翔次得久湫文於渭
又次得亞馳文於洛其詞則一惟告於神者隨號而
異自石文之出黃魯直張芸叟皆有訓釋歐陽公董
彥遠王順伯皆有論辨歐陽公謂以史記世家攷之
自楚成王十八世為頃襄王名橫不名熊相而疑傳
寫之誤董氏謂秦之詛楚為頃襄也其見亦同順伯
云秦自穆公十八世至惠文王與楚懷王同時從橫

爭伯此詛為懷王也或以楚自成王十八世至頃襄王秦人之文不應數楚之世況頃襄立是時楚已微弱非秦所畏不應有詛葉少蘊生先順伯亦云熊相疑即懷王二說似為有見董氏又云其詞若出一時不知一日會盟安得親質三所宋章樵云盟石告神當於其地巫咸在解州鹽池告文不應遠在古雍董氏復謂疑其宗祝分致以告神順伯謂當時告神想不止是見於世者唯此而已此或得之予特疑其自

秦至宋千有餘年嘗沈之於水瘞之於地其字畫纖細理難完好唐人編古文苑雖嘗載其辭而自宋以前薦紳君子曾無一言及之董氏謂歲久石漸剝闕因據舊本得其完書不知所謂舊本果出何時元吾子行博古士也以先秦古器比較此篆絕不相類以爲後人僞作但宋世諸公愛其筆跡無有異論予固不得而定之也

金薤琳琅卷二

欽定四庫全書

金薤琳琅卷三

明 都穆 撰

漢魯相置孔子廟卒史碑

司徒臣雄司空臣戒稽首言魯前相瑛書言詔書崇聖

道勉

闕

藝孔子作春秋制孝經

闕二

五經演易繫辭經

緯天地幽讚神明故特立廟褒成侯四時來祠事已即
去廟有禮器無常人掌領請置百石卒史一人典主守

廟春秋饗禮財出王家錢給大酒直須報謹問太常祠曹掾馮牟史郭玄辭對故事辟雍禮未行祠先聖師侍者孔子子孫太宰太祝令各一人皆備爵太常丞監祠河南尹給牛羊豕雞

闕二字

各一大司農給米祠臣愚以

為如瑛言孔子大聖則象乾坤為漢制作先世所尊祠

用衆牲長吏備

闕二字

欲加寵子孫敬恭明祀傳於罔極

可許臣請魯相為孔子廟置百石卒史一人掌領禮器出王家錢給大酒直他如故事臣雄臣戒愚顛誠惶誠

恐頓首頓首死罪死罪臣稽首以聞制曰可元嘉三年三月廿七日壬寅奏洛陽宮

元嘉三年三月丙子朔廿七日壬寅司徒雄司空戒下魯相承書從事下當用者選其年四十以上經通一藝雜試通利能奉弘先聖之禮為宗所歸者如詔書書到言

永興元年六月甲辰朔十八日辛酉魯相平行長史事太守長擅叩頭死罪敢言之司徒司空府士寅詔書為

孔子廟置百石卒史一人掌主禮器選年四十以上經
通一藝雜試能奉弘先聖之禮為宗所歸者平叩頭叩
頭死罪死罪謹按文書守文學掾魯孔和師孔憲戶曹
史孔覽等雜試和脩春秋嚴氏經通高第事親至孝能
奉先聖之禮為宗所歸除和補名狀如牒平惶恐叩頭
死罪死罪上司空府

讚曰巍巍大聖赫赫彌章相乙瑛字少卿平原高唐人
令鮑疊字文公上黨屯留人政教稽古若重規

闕乙君

察舉守宅除吏孔子十九世孫麟廉請置百石卒史一人鮑君造作百石吏舍功垂無窮於是始闕

右漢魯相置孔子廟卒史碑今在曲阜蓋魯相乙瑛上書請置百石卒史一人典主守廟司徒吳雄司空趙戒以聞制從之蓋在元嘉三年三月後魯相平補以孔和上書於司空府則永興元年六月也攷之范史桓帝紀元嘉惟有二年碑云元嘉三年三月者蓋是年五月始改永興至十月而雄戒亦罷免矣

此碑殘闕據宋洪丞相隸釋錄其全文蓋漢文高古
難得將以供學士大夫之嗜好而不特此碑然也凡
予之錄漢刻其殘闕者皆以洪本足之

漢魯相晨孔子廟碑

建寧二年三月癸卯朔七日己酉魯相臣晨長史臣謙
頓首死罪上尚書臣晨頓首頓首死罪死罪臣蒙厚恩
受任符守得在奎婁周孔舊寓不能闡弘德政恢崇壹
變夙夜憂怖累息屏營臣晨頓首頓首死罪死罪臣以

建寧元年到官行秋饗飲酒畔宮畢復禮孔子宅拜謁
神坐仰瞻棟桷俯視几筵靈所馮依肅肅猶存而無公
出酒脯之祠臣即自以奉錢修上案食醖具以叙小節
不敢空謁臣伏念孔子乾坤所挺西狩獲麟為漢制作
故孝經援神契曰立丘制命帝郊行又尚書考靈耀曰
丘生倉際觸期稽度為赤制故作春秋以明文命綴紀
撰書修定禮義臣以為素王稽古德亞皇代雖有褒成
世享之封四時來祭畢即歸國臣伏見臨璧雍日祠孔

子以太牢長史備爵所以尊先師重教化也夫封土為社立稷而祀皆為百姓興利除害以祈豐穰月令祀百辟卿士有益於民矧乃孔子玄德煥炳光於上下而本國舊居復禮之日闕而不祀誠朝廷聖恩所宜特加臣寢息耿耿情所思惟臣輒依社稷出王家穀春秋行禮以供禋祀餘闕賜先生執事臣晨頓首頓首死罪死罪臣盡力思惟庶政報稱為效增異輒上臣晨誠惶誠恐頓首頓首死罪死罪上尚書

昔在仲尼叶光之精大帝所挺顏母毓靈承敝遭衰黑

不代倉

闕

沅應聘嘆鳳不臻自衛反魯養徒三千獲麟

趣作端門見徵血書著紀黃玉響應主為漢制道審可
行乃作春秋復演孝經刪定六藝象與天談鈎河摘洛
却揆未然巍巍蕩蕩與乾比崇

右漢魯相晨孔子廟碑靈帝建寧二年立晨姓字見
於後碑此乃其所上尚書奏章蓋當時之制郡國不
敢直聞朝廷因尚書以達之也碑云到官秋享無公

出酒脯之祠自用俸錢以供禋祀知其為魯之賢相也

魯相晨孔廟後碑

相河南史君諱晨字伯時從越騎校尉拜建寧元年四月十一日戊子到官乃以今日拜闕孔子望見闕觀式

路虔踞既至升堂屏氣拜手祇肅眉俊髻髯若在依依舊宅神之所安春秋復禮稽度玄靈而無公出享獻之闕字欽因春饗導物嘉會述脩壁雍社稷品制即上尚

書參以符驗乃敢承祀餘昨賦賜刊石勒銘并列本奏
大漢延期彌歷億萬

時長史廬江舒李謙敬讓五官掾魯孔暢功曹史孔淮
戶曹掾薛東門榮史文陽馬琮守廟百石孔讚副掾孔
綱故尚書孔立元世河東太守孔彪元上處士孔褒文
禮皆會廟堂國縣員冗吏無大小空府竭寺咸俾來觀
并畔宮文學先生執事諸弟子合九百七人雅歌吹笙
考之六律八音克諧蕩邪反正奉爵稱壽相樂終日於

穆肅雍上下蒙福長享利貞與天無極

史君饗後部史仇誦縣吏劉耽等補完里中道之周左
墻垣壤決作屋塗色修通大溝西流里外南注城池恐
縣吏斂民侵擾百姓自以城池道濡麥給令還所斂民
錢并史君念孔瀆顏母井去市道遠百姓酤買不能得
香酒美肉於昌平亭下立會市因彼左右咸所願樂
又勅瀆井復民飭治桐車馬於瀆上東行道表南北各
種一行梓

假夫子家顏母井舍及魯公冢守吏凡四人缺與佐除
右史晨孔廟後碑載當時廟享觀禮者自長史李謙
五官掾孔暢而下凡九百七人可謂盛矣廟享之後
晨復修瀆治井及置守墓之人盖不但如前碑所云
出俸錢以供祀事其有功於孔氏甚大而部史仇誦
縣吏劉耽亦復補垣除道至通大溝則晨固有以啟
之也吁晨誠賢矣哉

漢魯相造孔廟禮器碑

惟永壽二年青龍在涖灘霜月之靈皇極之日魯相河

南京韓君追惟太古華胥生皇雄顏

闕育闕

寶俱制元

道百王不改孔子近聖為漢定道自天王以下至於初

學莫不驥思嘆印師鏡顏氏聖舅家居魯親里升官聖

妃在安樂里聖族之親禮所宜異復顏氏升官氏邑中

闕一發以尊孔心念聖歷世禮樂陵遲秦項作亂不尊

字

圖書倍道畔德離敗聖興食糧亡於沙丘君於是造立
禮器樂之音符鍾磬瑟鼓雷洗觴觶爵鹿柎籩棧禁

嘉修飾宅廟更作二輿朝車威熹宜杼玄汙以注水流
法舊不煩備而不奢上合紫臺稽之中和下合聖制事
得禮儀於是四方士仁聞君風耀敬咏其德尊琦大人
之意連彌之思乃共立表石紀傳億載其文曰

皇

缺一字

統華胥承天畫卦顏育空桑孔制元孝俱祖紫

宮大一所授前門九頭以什言教後封百王獲麟來吐
制不空作承天之語乾元以來三九之載八皇三代至
孔乃備聖人不世期五百載三陽吐圖二陰出識制作

之義以俟知

缺一字

於穆韓君獨見天意復聖二族連越

絕思修造禮樂胡璉器用存古舊宇慇懃宅廟朝車威

熹出誠造

缺

漆不水解工不事賈深除玄汙水通

缺

注

禮器升堂天雨降澍百姓訢和舉國蒙慶神靈祐誠竭

敬之報天與厥福永享年壽上極華紫旁伎皇代刊石

表銘與乾運耀長期蕩蕩於盛復授赫赫罔窮聲垂億

載

韓明府名勅字叔節潁川長社王玄君真二百河東大

陽西門儉元節二百故涿郡太守魯廐次公五十故會稽太守魯傳世起千故樂安相魯廐季公千故從事魯張嵩眇高五百相主簿魯薛陶元方三百相史魯周乾伯德三百

右漢魯相韓勅造孔廟禮器碑說者謂其文雜用識緯不可盡通予觀東漢自光武以赤伏符即位篤好圖讖臣下則而效之流弊浸廣至漢之末而其說尤熾見之金石者不特此碑然也帝堯碑云堯遊於玄

河之上有龍授圖堯乃受命成陽靈臺碑云堯母慶都遊觀河濱感赤龍交而生堯魯相史晨孔廟碑云孔子乾坤所挺西狩獲麟為漢制作皆怪誕恍惚不經之甚後之君子以為漢儒之陋狹如此而不知其所從來孔子曰上有好者下必有甚焉者矣以光武之明智而慮不及此嗚呼於漢儒乎何尤

韓勅碑陰

故涿郡太守魯廩次公五千故從事魯張嵩眇高五百

潁川長社王玄真二百故會稽太守魯傳世

闕一字

千相

主簿魯薛陶元方三百河東大陽西門儉元節二百故

樂安相魯廕季

闕一字

千

闕一字

相史魯周乾伯德三百曲

成侯王嵩二百遼西陽樂張普仲堅二百潁川長社王

季孟三百故督却魯趙輝彥臺二百河南成臯蘇漢明

二百其人處士汝南宋公國陳漢方二百郎中魯充宙

季將千河南雒陽种亮奉高五百故山陽南平陽陳漢

甫二百御史魯孔翊元世千故兗州從事任城吕育季

華三千任城番君舉二百太尉掾魯孔凱仲弟千故下

邳令東平陸王裒文博千任城王子松二百魯孔曜仲

曜二百魯孔儀甫

闕一字

百故潁陽令文陽鮑宮元威千

任城謝伯威二百處士魯孔方廣率千河南雒陽李申

伯百任城高伯世二百魯孔巡伯陽二百文陽蔣元道

二百趙國邯鄲宋鎮元世二百相主簿薛曹

闕一字

濟興

三百魯孔憲

闕一字

則

闕一字

文陽

闕一字

文豫

闕一字

二百彭城廣

闕一字

一

字

姜尋孔長二百相中賊史薛紹興公二百尚書侍郎

魯孔彪元上三千平原樂陵朱恭敬公二百薛

關一高字

關三

魯孔

關一

漢光二百南陽宛張光仲孝二百平原

隰陰馬瑤元冀二百相史卞呂松遠百守廟百石魯孔

恢聖文千彭城龔治世平二百駸韋仲卿二百襄成侯

魯孔建壽千河南雒陽王敬子慎二百泰山鮑丹漢公

二百處士魯劉靜子著千故從事魯孔樹君德千京兆

劉安初二百故薛令河內溫朱熊伯珍五百故從事魯

王陵少初二百魯孔朝升高二百魯石子重二百下邳

周宣光二百故豫州從事蕃加進子高千故督郅魯开

輝景高二百故平陵令魯庶侯元世五百行義掾魯弓

如叔都二百河間東州齊伯宣二百魯曹性初孫二百

魯劉仲臣二百北海劇袁隆展世百陳國苦虞崇伯宗

二百魯

闕一字

元達二百魯夏侯廬頭百魯周房伯臺百

東海傅河東臨汾敬謙字季松千

闕

尉

闕五字

安季興五

百相守史諱在芳世祖三百魯孔建壽二百時令漢中

南鄭趙寡學子

闕

魯巢壽文

闕

相

闕六字

賜公

闕一字

煇世

平百故丞魏令河南京丁璫叔舉五百河浦退師度

關

澤賢

關二

魯傳

關一

子豫二百侯我父治真百東郡

武陽桓仲豫二百左尉北海劇趙福字仁直五百南陽

平氏

關四

二百魯

關二

三百魯孔昭叔祖百元廬城子

二百山陽瑕丘九百元臺三百魯齊伯賢二百河東臨

汾敬

關一

字子直千泰山鎮平韋仲元二百

關二

狼子二

百國廣張達平二百其

關一

處士魯劉聖長二百河南

雒陽左叔虞二百泰山費湛子陵季遺二百上黨長子

楊萬子三百河南偃師骨

闕一字

通國

闕二字

東郡武陽董

元厚二百故

闕二字

侯相彭城劉

闕一字

伯存五百處士魯

孔微子

闕一字

二百河南平陰樊文高二百

右韓勅碑陰隸釋所載凡六十有二人較予家舊搨

本闕三十有八一隸釋始曲成侯王勗中洛陽王敬

予家本則始涿郡太守魯廙次公終河南樊文高又

有大不同者豈隸釋得之傳錄故有此誤要當以搨

本為是抑此及史晨後碑歐陽公最號博古皆未之

見唯趙氏金石錄有之

漢泰山都尉孔宙碑

君諱宙字季將孔子十九世之孫也天姿醇淑齊聖達道少習家訓治嚴氏春秋緝熙之業既就而閨闔之行

允恭德音孔昭遂舉孝廉除郎中都昌長祗傳五教尊

賢養老躬忠恕以及人兼禹湯之罪已故能興朴

闕二字

彫幣濟弘功於易簡三載考績遷元城令是時東嶽黔

首猾夏不

闕三字

祠兵遺畔未寧乃擢君典戎以文修之

旬月之間莫不解甲服罪

闕三

擢田畯喜於荒圃商旅

交乎險路會鹿鳴於樂崩復長幼於酬酢

闕三

稔會遭

篤病告困致休得從所好年六十一延熹六年正月乙

未

闕三

疾貴速朽之反真慕寧儉之遺則寔夕不華明

器不設凡百印高

闕三

述於是故吏門人乃共陟名山

采嘉石勒銘示後俾有曩式其辭曰

於顯我君懿德惟光紹聖作儒身立名彰貢登王室

闕

闕二

是更夙夜

闕二

在公明明乃綏二縣黎儀以

康於天時靡撫茲岱方

闕一字

彼凶人覆俾

闕二字

南畝孔

饁山有夷行豐年多黍稱彼兕觥帝賴其勲民斯是皇

疾

闕三字

乃委其榮忠告慇懃屢省乃聽恭儉自終簠簋

不陳生播高譽沒垂令名永矢不刊億載揚聲延壽

年七月戊

闕字

造

右漢泰山都尉孔宙碑宙孔子十九世孫而融之父

也其事實不見史傳然碑稱其齊聖達道德音孔昭

又稱其治泰山旬月之間民皆解甲服罪可謂無愧

聖人之後者碑在曲阜延熹七年立通志金石畧嘗載其目云未詳所在復載泰山太守孔宙碑云在兗州立於延熹六年自漢有兩孔宙而碑復有二何其繆哉

門生故吏名

門生鉅鹿瘳陶張雲字子平門生鉅鹿瘳陶趙政字元政門生鉅鹿廣宗捕巡字升臺門生東平寧陽韋勲字幼昌門生魏郡館陶張上字仲舉門生魏郡館陶王時

字子表門生魏郡陰安張典字少高門生魏郡魏孟忠
字待政門生魏郡李鎮字世君門生魏郡館陶吳讓
字子敬門生魏郡館陶文儉字元節門生魏郡館陶鄉
瑱字仲睢門生魏郡鄴叔香字伯子門生東郡東武陽
梁淑字元祖門生東郡衛公國趙恭字和平門生東郡
東武陽張表字公方門生東郡東武陽滕穆字奉德門
生東郡樂平桑演字仲厚門生東郡樂平靳京字君賢
門生東郡樂平梁布字叔光門生東郡樂平桑顯字伯

異門生陳留平丘司馬規字伯昌門生安平下博張祺
字顗松門生安平下博張朝字公房門生安平下博蘇
觀字伯臺門生安平堂陽張琦字子異門生北海安丘
齊納字榮謀門生北海都昌呂升字山甫門生北海劇
秦麟字伯麟門生北海劇如廬浮字遺伯門生北海劇
薛鄒字勝輔門生北海劇高冰字季超門生濟南梁叔
趙震字鄒政門生濟南梁鄒徐璜字幼文門生濟南東
平陵吳進字升臺門生甘陵廣川李都字元章門生甘

陵貝丘賀曜字升進門生魏郡清淵許祺字升明門生
魏郡館陶史宗字少賢門生魏郡館陶孫忠字府文門
生東郡樂平盧精字子節門生任城任

闕三字

字景漢門

童安平下博張忠字公直故吏北海都昌逢祈字伯熹
故吏北海都昌薤章字文理故吏北海都昌魏稱字文
長故吏北海都昌呂規字元規故吏泰山費魚淵字漢
長故吏泰山華母樓覬字世光故吏泰山南城禹規字
世舉故吏泰山南武陽蕭誨字伯謀故民泰山費淳于

黨字季

闕

弟子北海劇陸暹字盭輔弟子陳留襄邑樂

禹字宣舉弟子下邳下邳朱班字宣

闕

弟子東平寧陽

周順字承

闕

弟子沛國小沛周升字仲甫弟子魯國文

陽陳褒字聖博弟子汝南平輿謝洋字子讓弟子山陽

瑕丘丁瑤字實堅弟子魯國戴璋字元珪弟子魯國下

王政字漢方

右孔宙碑陰不云碑陰而云門生故吏名此漢碑中

之僅見者前碑云故吏門人陟山采石勒銘示後則

此所載皆其人也今按宙門生四十二人門童一人
弟子十人故吏八人故民一人隸釋謂漢儒開門授
徒親受業者則曰弟子次相傳授則曰門生未冠則
曰門童總而稱之亦曰門生舊所治官府其掾屬則
曰故吏占籍者則曰故民非吏非民則曰處士素非
所蒞則曰義士義民此皆讀漢碑者之所當知而隸
釋人間少傳故著之

金瓶梅
卷三

欽定四庫全書

史部

金薤琳琅卷四至七

詳校官編修臣潘庭筠

編修臣程嘉謨覆勘

總校官庶吉士臣倉聖脉

校對官中書臣孫球

謄錄監生臣吳壽朋

欽定四庫全書

金薤琳琅卷四

明都穆撰

漢博陵太守孔彪碑

君諱彪字元上孔子十九世之孫潁川君之元子也君少履天姿自然之匹帥禮不爽好惡不愆考衷度衷修身踐言龍德而學不至於穀浮游塵埃之外瞬焉汜而不俗郡將嘉其所履前後聘召盖不得已乃翻爾束帶

弘論窮理直道事人仁必有勇可以託六授命如毛諾則不宿美之至也莫不歸服舉孝廉除郎中博昌長疾

病留宿

闕遷

京府丞未出京師遭大君憂泣踰臯魚

喪過乎哀謹畏舊章服竟還署試拜尚書侍郎無偏無

黨遵王之素薦可黜否出

闕二

度日恪位佇所在祇肅

拜治書御史膺臯陶之

闕一

恕

闕二

參之

闕五

律祇用

既平

闕

博陵太守郡阻山

闕三

以饑饉斯多草竊固不

闕賊劉

闕一

張丙等白日攻剽坐家不命君下車之初

闕五教以博闕削四凶以勝殘乃闕爰尚桓桓拯馬

蠲害醜類已殫路不拾遺斯民以安發號施憲每合天

心闕之所惡不以強人義之所欲不以闕姓樂政而

歸于德望如父母順如流水遷下邳相河東太守舉此

闕二君子風也未怒而懼不令而從雲行雨施闕二大

和海內歸公卿之任矣勞而不伐有實若虛固執謙需

以病辭官去位闔闕以孝竭闕餘暇徧彈琴擊磬闕二

字之味而不改其靜上帝棐謚天秩未究將據師輔之

紀闕綱闕

疾彌流乃碩乃

闕二

卅九建寧四年七月辛

未

闕三

哀哉魂神超邁寂兮冥冥遺孤忉絕于嗟想形

闕二

哀遠念不欲生羣臣號咷靡所復逞夫逝往不可

追兮功

闕三

識惟君之軌迹兮如列宿之錯置易建八

卦揆肴數辭述而不作彭祖賦詩皆讚所見于時頌

闕二

字

是闕吏崔

闕三

王沛等伏信好古敢詠顯

闕

乃刊斯

石欽銘洪基昭示後昆申錫鑒思其辭曰

穆穆我君大聖之胄惇懿允元獻其玄秀惟嶽降精誕

生忠良奉應郡貢亮彼我

闕

克明王道辯物居方周

四闕

字

也匹名朝無秕政直哉惟清出統華夏化以典成

闕

猾殄逆賢倚

闕

庭帝重乃勛自

字

征所臨如神

闕

六

之翰先民是程宜乎三事金鉉利貞而絜白駒俾世憤

惻當享眉耆莫匪爾極大

字

三

邈矣不意于嗟悲兮

三闕

字息湯湯庶幾復焉所力咨乎不朽沒而德存伊尹之

休格于皇天惟我君績表于丹青永永無汙與日月并

于嗟

字

二

于以慰靈

右漢博陵太守孔彪碑彪孔子十九世孫與孔宙蓋
弟兄行嘗為尚書侍郎治書御史可謂顯矣闕里志
世表宗譜皆不見其名字而碑文類此亦不載向微
搨本之存則後世不復知有彪矣

孔彪碑陰

故吏司徒掾博陵安平崔烈字威考故吏齊

闕

博陵安

平崔恢字行孫故吏桑氏令博陵安平王沛字公豫故
吏司空掾博陵安國劉德字伯桓故吏外黃令博陵安

國劉揚字子長故吏白馬尉博陵博陵齊智字子周故
吏五官掾博陵安平劉麟字幼公故吏五官掾博陵安
平王瑤字顯祖故吏五官掾博陵安平孟循字敬節故
吏五官掾博陵高陽史應字子聲故吏五官掾博陵南
深澤程祺字伯友故吏五官掾博陵南深澤程祚字元
祐故吏五官掾博陵安國劉機字闕閭

右孔彪碑陰故吏出博陵者凡十有三人故其額不
稱後官而直書博陵洪氏以為故吏函甘棠之惠痛

夏屋之傾相與立碑遂以本郡題其額也此或得之
然予觀漢碑亦往往有書前官者又似不必拘此金
石錄乃云不知何謂非也

漢司隸校尉魯峻碑

君諱峻字仲嚴山陽昌邑人其先周文公之碩胄

闕二
字

伯禽之懿緒以載于祖考之銘也君則監營謁者之孫
脩武令之子體純和之德秉仁義之操治魯詩兼通嚴
氏春秋博覽羣書無物不看學為儒宗行為士表漢

闕

始住佐職牧守敬恪恭儉州里歸稱舉孝廉除郎中謁
者河內太守丞喪父如禮羣司徒府舉高第侍御史東
郡頓丘令視事四年比蹤豹產化行如流遷九江太守

闕殘酷之刑行循吏之道統政

闕

載穆若清風有黃霸

召信臣在潁南之歌以公事去官休神家術未能一期
為司空王暢所舉徵拜議郎大尉長史御史中丞延熹
七年二月丁卯拜司隸校尉董督京輦掌察羣闕一
細舉大權然疏發不為小威以濟其仁弼中獨斷以效

其節案奏

闕

公彈紕五卿華夏祗肅佞穢者遠遭母憂

自乞拜議郎服竟還拜屯騎校尉以病遜位守疏廣止足之計樂於陵灌園之潔閉門靜居琴書自娛年六十

一熹平元年

闕

月癸

闕

卒明年四月庚子葬於是門生汝

南干

闕

沛國丁直魏郡馬萌勃海呂圖任城吳盛陳留

誠屯東郡夏侯弘等三百廿人追惟在昔游夏之徒作

諡宣尼君事帝則忠臨民則惠乃昭告神明諡君曰忠

惠父息叡不才弱冠而孤承堂弗構析薪弗何悲蓼莪

之不報痛昊天之靡嘉

闕字

企有紀能不號嗟刊石叙哀其銘曰

巖巖山岳礪落彰較崇崇忠惠令德孔嫺命

闕

時生雅

度弘綽允文允武厥姿烈連內懷溫潤外擢強虐督司

京師穆然清邈當

闕

緄職為國之權匪究南山遐邇忉

惻凡百君子欽諡嘉樂永傳童齡喚矣昀昀

右漢司隸校尉魯峻碑水經注以峻為恭趙氏謂方

輿志寰宇記皆作峻而辨水經之誤予家舊藏此碑

峻字明白可識趙氏果有其本何乃不知而必欲證

之以地里書也歐陽公謂峻最後為屯騎校尉而碑首
題云司隸校尉莫曉其義隸釋云漢人碑志或以所重
之官揭之司隸官尊而職清非列校可比故書之也此
足以祛歐公之惑鄭夾漈又謂此碑書於蔡邕按徐
浩古迹記其叙邕書惟三體石經西岳光和殷華馮
敦數碑及考其他字書亦未聞邕嘗書此不知鄭氏
何所據也

魯峻碑陰

故吏河內

闕一
字

官

闕一
字

幼流

闕三
字

故吏九江壽春陳龔

伯

闕一
字

五百故吏九江壽春任

闕一
字

孝長五百許吏東

郡領兵許踰伯通五百門生沛國丁良

闕一
字

榮千門生

勃海

闕二
字

呂

闕一
字

世階千門生東郡汝陽敢敦登高千

門生汝南召陵于商明公五百門生南陽新野

闕一
字

顯

文

闕一
字

五百門生平原

闕一
字

路龍顯公五百門生任

闕一
字

樊兒

闕一
字

太平五百門生平原樂陵路福世輔三百

門生魏郡

闕一
字

丘李牧君伯三百門生魏郡繁陽王輔

子助三百門生河東郡

關一字

陽

關二字

文智三百門生汝

南汝陽郡立

關三字

三百門生東郡

關一字

邑

關三字

松二百

門生東郡

關一字

平

關四字

二百門生東郡樂平

關一字

顯

關二字

字

二百門生東郡樂平

關四字

二百門生魏郡內黃

關四字

二百門生東郡

關一字

陽王

關一字

少

關一字

二百門生汝南

瀝强尹裱

關二字

二百門生汝南瀝强尹穎

關二字

二百門

生勃海南皮劉扶節

關一字

二百門生勃海南劉盛興

關二字

字

二百門生河間阜成東鄉晨子

關一字

二百門生河間

阜成東鄉恭公二百門生平原西平昌劉本景

闕一字

二

百門生平原張謙伯讓二百門生陳留尉氏夏統子思

二百門生濟陰陳氏許仁伯德二百門生濟陰

闕一字

狐

周維元興二百義士梁國寧陵及強強良二百

右魯峻碑陰歐陽公趙明誠皆失收錄至洪丞相隸

釋於漢碑搜羅殆盡而亦復遺焉予家此碑不特人

間少有且文字釐完可讀惜不令三公見之

漢北海相景君碑

惟漢安二年仲秋

闕二字

故北海相任城景府君卒嗚呼

哀哉國

闕二字

寶英彥

闕一字

疇列宿蔚精晚學後時子何

穹蒼布命授期有生有死天實為之豈夫仁哲彼克不

遺於是故吏諸生相與論曰上世羣后莫不流光

闕於

無窮垂芬耀於書篇身歿而行明體亡而名存或著形

像於列圖或繫頌於管弦後來詠其烈竹帛叙其勲乃作誄曰

伏惟明府受質自天孝弟淵懿帥禮蹈仁根道核藝

抱淑守真晶白清方克己治身寔柔寔剛乃武乃

文遵考孝謁假階司農流德元城興利惠民強禦改節
微弱蒙恩威立澤宣化行如神帝嘉厥功授以符命守
郡益州路遐戀親躬作遜讓夙宵朝廷建英忠謹拜秩
東衍璽追嘉錫據北海相部城十九鄰邦歸向分明好
惡先以敬讓殘偽易心輕黠踰竟鴟梟不鳴分子還養
元元鰥寡蒙祐以寧蓄道脩德闕社以榮紛紛令儀明
府體之仁義道術明府膺之黃朱邵父明府三之台輔
之任明府宜之以病被徵委位致仕民闕思慕遠近搔

首農夫釋耒商人空市隨舉飲淚奈何朝廷奪我慈父

去官未旬病乃困危珪璧之質臨卒不回歔闕賈絕奄

忽不闕孝子慟慟顛倒剥摧遂闕克寤永潛長歸州里

鄉黨隕涕奔哀故吏怛歔歔闕一徊四海冠蓋驚慟

傷懷大命闕期寔惟天闕明主設位明府不就臣子欲

養明府弗留嗚呼哀哉

亂曰考積幽宥闕三字兮闕四字翔議郎兮再命虎將綏元

元兮規英渠謨主忠信兮羽衛藩屏撫萬民兮闕四字恩

闕二
字

号宜參

闕一
字

韓

闕

韓禎号不永廩壽棄臣子号仁

敷海外著甘棠号

闕

石勒銘

闕

不亡号

右北海相景君碑金石錄云在濟州任城縣蓋任氏
在漢為任城人也予按濟州即今之濟寧州今碑乃
在州學不知何年移置於此通志金石略以不知其
地故直云未詳姚江謝中舍大中近過濟寧搨以見
惠予家有祖宗來歲碑頗富無以予好收錄中間得
於朋友之助者十常四五如此碑是也

北海相景君碑陰

故

闕一字

中部督郵都昌尹忠字定公故門下督盜賊劇

字

闕一字

頌字

闕一字

遠故門下議史平昌蔡規字中舉故門

下書佐

闕一字

陵孫榮字世榮故門下書佐淳于逢

闕一字

字

闕一字

成故騎吏劇

闕一字

麟字

闕一字

石故吏朱虛孫徵

字武

闕一字

故吏營陵薛逸字伯踰故吏營陵

闕一字

字中

字

闕一字

故吏都昌呂福字益

闕一字

故吏都昌強

闕一字

字光

字

闕一字

故書佐都昌羽質字孟

闕一字

故書佐

闕一字

虛

闕一字

字

字君大故書佐

字關一

壽淳于

字關四

故書佐營陵徐昌字

昌善故書佐都昌

字關一

彤字

字關一

甫故書佐淳于孫字

元

字關一

故書佐營陵鍾顯字

字關一

寶故書佐東安平

字關一

字

廣字廣宗故書佐劇紀政字世堅故書佐淳于孫睨

字威光故修行都昌台丘暹字世德故修行都昌董方

字季方故修行營陵曾

字關一

字漢興故修行都昌

字關二

字

字關一

久故修行營陵

字關二

字護宗故修行營陵

字關一

暹字武

字關一

故修行營陵臨照字景耀故修行都昌張

駸字臺

關一字

故脩行營陵淳于登字登成故脩行營陵

顏理字中理故脩行營陵水丘郎字君

關一字

故脩行都

昌呂興字世興故脩行都昌逢進字世安故書佐劇徐

德字漢昌故書佐劇姚進字元豪故書佐劇邴鍾字元

鍾故書佐都昌張翼字元翼故脩行都昌張

關一字

字季

遠故脩行劇中

關一字

字季遠故脩行平

關二字

允字伯允

故脩行淳于趙尚字進卿故脩行都昌段晉字世節故

脩行都昌齊晏字

關一字

子故午營陵

關一字

遷字世達故

午營陵昌敏字元成故午淳于董純字元祖故午營陵

關良字世勝故午朱虛吳詩字孟道故午都昌呂立遷

字孟堅故關二都昌齊冰字文達故關二都昌張亮字

元亮

關二虎關二故臣吏慎終追遠關六墳園關二禮備陵

成關一立樹列既就聖典有制三關三墓側歲壞關六

遺辭以明關三靈瑕顯降吾嘉祐

右景君碑陰列門下書佐及故吏等中有修行凡十

九人趙氏謂後漢書百官志注河南尹官屬有循行一百三十人而晉書百官志亦有循行以為循修字畫相類遂致譌謬予謂景君碑刻於漢而後漢書舊皆出傳錄則以修為循者特傳錄之誤耳趙氏不信碑本而信漢書且復引晉書為證殊不知晉書修於唐其亦曰循行蓋仍漢書之誤而云然也

漢敦煌長史武斑碑

建和元年大歲在丁亥二月辛巳朔廿三日癸卯長史

同

下闕

敦煌長史武君諱斑字宣張昔殷王武丁久伐鬼方元功章炳勲藏王府官族分析因為氏焉武氏蓋其後也適周遐邇歷世曠遠不隕其美漢興以來爵位相踵

闕

朝忠臣君幼

闕

顏閔之

闕一

質長敷游夏之文學慈

惠寬

闕

孝友玄妙芭羅術藝貫洞聖

闕

博兼

闕二

耽綜

典籍

闕三

純求福不回清聲美行闡形遠近州郡貪其

高賢

闕二

請以

闕二

歲舉

闕

翼紫宮

闕二

詔除光顯王

室有

闕

於國帝庸嘉之掌司古

闕

領校祕鄭研

闕

幽微

追昔劉向辯賈之徒比

闕

萬矣時戎

闕

匡正一字

闕

一字

朝廷惟憂

闕

二

有司

闕

二

舉君斑到官之日

闕

瀛吏士

哮虎之怒薄伐

闕

九

並百姓賴之邦域既寧久勞於外

當還本朝以叙左右以永嘉元年

闕

月

闕

日遭疾不

闕

哀

闕

於是金鄉長河間高陽史恢等追惟昔日同歲郎

署感

闕

為自古在昔先聖與仁

闕

二

興替

闕

二

人存生

榮死哀是

闕

萬年伊君遺德

闕

孔之珍故

闕

石銘碑以

旌明德焉其辭曰

於惟武君允德允恭受天休命積祉所鍾其在孩提岐

嶷發蹤謙闕守約唯誼是從考深凱風志潔羔羊樂是

通闕恬此闕光孳孳臨川闕見闕墻庶仰其首微妙玄

顯宗闕然清闕升闕為帝股肱扶助大和萬民闕蒙

字不享闕考大命闕百遺惟闕后帝感傷學夫喪師

士女悽愴闕表金門令闕不忘垂闕後昆萬載歎誦

金薤琳琅

尚書丞沛國蕭曹芝

闕

宣成武令中山安憲曹种

闕

二豐

令下邳良成徐崇

闕

故陳留府丞魯國魯

闕

防東

長齊國臨菑

闕

紀伯允書此碑嚴祺字伯曾

右漢燉煌長史武斑碑歐陽公謂其字畫殘滅氏族

州里官閥卒葬皆不可見趙氏謂以所藏本考之斑

官閥氏族與卒之年月皆歷歷可辨趙氏生歐公之

後不應其本若是豈歐公者捐於當時而趙氏者得

之古捐邪子家本視趙氏雖若不逮然亦有可讀者

金瓶梅詞話
卷四

欽定四庫全書

金薤琳琅卷五

明 都穆 撰

漢執金吾丞武榮碑

君諱榮字含和治魯詩經韋君章句闕 幘傳講孝經論語

漢書史記左氏國語廣學甄微靡不貫綜久遊太學藐然

高厲鮮於雙匹學優則仕為州書佐郡曹史主簿督郵五

官掾功曹守從事年卅六汝南蔡府君察舉孝廉闕二 郎

中遷執金吾丞遭孝桓大憂屯守玄武感哀悲慟加遇害

氣遭疾隕靈

闕四

君即吳郡府卿之仲子燉煌長史之次

弟也廉孝相承亦世載德不忝

闕四

命

闕

不竟台衡蓋觀

德於始述行於終於是刊石勒銘垂示無窮其辭曰

天降雄彥資才卓茂仰高鑽堅允文允武內

闕一

三署

外闕師旅

闕

勒屯守舊威

闕

武

闕

旗絳天雷震電舉敷

耀赫然陵惟哮虎當遂股肱

闕

之元輔天何不弔降此

闕

咎瘕平我君仁如不壽爵不副德位不稱功咸懷傷

愴遠近哀同身沒

闕二字

萬世諷誦

右漢執金吾丞武榮碑歐陽公謂其文字殘缺不見
卒葬年月及氏族所出予家本殘缺與歐公同而隸
釋所載者則又往往可讀如云君即吳郡府卿之子
燉煌長史之次弟此乃其氏族之所出也但碑文簡
短不書卒葬年月歐公特未之知耳

漢荊州刺史度尚碑

君諱尚字博平其先出自顓頊與楚同姓熊嚴之後

闕

亦世掌位統國法度秦兼天

闕

和之純質秉黃中之正

性智含淵藪仁隆春煖義高秋雲行絜冰霜慷慨壯厲

臨

闕

休譽固已著矣及其典牧必招振賢才抽拔幽逸

選召所任極當世之秀士養民有

闕

令聞彌崇暉光日

新可謂盛德者已初奉歲計拜卽中除上虞長玄化潛

潤百姓

闕

數縣恩信並宣令行禁止以從父憂去官更

舉孝廉為右校令是時南蠻蠢動擢拜

闕

醜殊俗賓服

遠人用綏封右鄉侯遷遼東太守旬月之間歲貉寧輯

會楊賊畔於闕拜中郎將料敵制勝威謀合神持重優於營

平深入則輕冠軍附士渥於李廣御衆闕同滋味必達井辨

幕然後飲舍惠以厚下說以犯難是故所征輒克師徒無

頽闕寇殄殪干戈載戢走馬以冀朝貪厥重復拜荊州刺

史以故秩居冊書慰薦因賜闕之荊域號慕雖周人之思

召伯弗此踰也於是故吏感清廟之頌數斯父之詩乃闕曰

於惟我侯允懿允明文武是該克忠克貞粵初發藻在

彼上虞邁種厥德闕矣匪祿是榮無言不讎帝揚厥

聲俾作配

闕

往撫于荆撫荆惟何南夏是

闕

邦家截彼海

外績莫匪嘉天生我侯實為民望心乎其愛四方是印如

何不永

闕

而不死芳烈遺芳

永康元年歲在鶉尾龍集丁未時維

闕

歲

闕

右漢荊州刺史度尚碑尚後漢書有傳碑今在徐州
州治蓋成化間吾鄉顧君崇善以工部郎中管理河
道見其淪於湖陵城闌出之遂置於此按酈道元水
經注云湖陵城東有度尚碑則自漢至晉自晉至今

而此碑未嘗徙也又隸釋云政和中巡檢王當世見其在湖陵荒野遷之官廨後邑令滕君欲徙碑於沛舟載而覆沉沒不出又其後劉宗義攝令乃立之於使星亭然不知此碑何年復淪入水中今惟存其首漢荊州刺史度侯之碑九字其餘文字悉皆漫滅特頑然片石而已蓋閭水撞激日久其字之不存宜也

漢桂陽太守周府君碑

桂陽太守周府君者徐州下邳人也諱憬字君光體性

敦仁天姿篤厚行興閨門名關州里舉孝廉拜尚書侍

郎遷汝南固始相遂拜桂陽廼宣魯衛之政敷二南之

澤政以德綏化猶風騰撫集烝細關綏有方進則貞直

退則錯枉崇舉濟濟吉士充朝招訓關蒙開誘六蔽君

子道長小人道消信感神祇靈瑞符關嘉穀生於野竒

草像關一字莆異根之樹超然連理於此關時邦域惟寧

郡又與南海接比商旅所臻自瀑亭至乎曲紅壹由此

水其水源也出于王禽之山山蓋隆關三字于天泉肇沸

踊發射其顛分派離散為十二川彌陵隤阻丘阜錯連

隅陬壅遏未由騁焉爾乃貫山鑽石經

闕四

揚爭怒浮

沈潜伏蛇龍蛭屈澧隆鬱浥千渠萬澮合聚谿澗下迄

安

闕一

六龍作難湍瀨

闕二

泣沄潺湲雖詩稱百川沸

騰高岸為谷深谷為陵蓋莫若斯天軌所經惡得已改

其下注也若奔車失轡狂牛無縻

闕

勿荒忽臚胫不相

知及其上也則羣革相隨檀栳提

闕

唱號慷慨沈深不

前其成敗也非徒喪寶玩隕珍奇替珠貝流象犀也往

古來今變甚終矣於是府君乃思夏后之遺訓闕應龍

之畫傷行旅之悲窮哀

闕一

人困厄感蜀守冰殄絕犂

堆嘉夫昧淵永用夷易廼命良吏

闕一

帥壯夫排積

闕一

字

石投之寥

闕二

高填下鑿截回曲弼水之邪性順導

其經脉斷硤溢之電波弱陽侯之汹涌由是小蹊乃平

直大道允通利抱布貿絲交易南至升涉周旋功萬於

前除昔

闕二

樹基於茲雖非龍門之鴻績亦人君之德

宗故船人嘆於水渚行旅語於塗陸孔子曰禹不決江

疎河吾其魚矣於是熹平三年歲在攝提仲冬之月曲紅
長零陵重安區祉字景賢遵承典憲宣揚德訓帥禮不
越欽仰高山乃與邑子故吏龔臺郭蒼龔雒等命工擊
石建碑於瀧上勒銘公功傳之萬世垂示無窮其辭曰
乾坤剖兮建兩儀剛柔分兮有險夷咨中嶽兮穆崔
嵬嘆衡林兮獨傾虧增陵隋兮甚隘陟鮪莫涉兮禹不
規仰王禽兮又崑崙俯瀧淵兮怛以悲岸參天兮無路
蹊石縱橫兮流洄洄波隆隆兮聲若雷或抱負兮以從

利或追恩兮有赴義汜舟楫兮有不避

闕

躬軀兮於玄

池委性命兮於芒緇惜寒慄兮不皇計忽隨流兮殆忘

歸懿賢后兮發聖英閉不通兮治斯谿巖巨石兮以湮

填開切

闕一字

兮導曲機摧六瀧兮弱

闕五字

兮散其波威

怒定兮混瀾瀾息耶啾兮

闕五字

逝兮蛟龍藏陸老唱兮

臚人歌名冠世兮超踰倫今稱

闕

兮耀流沙功斐斐兮

鏡海裔君乎君壽不訾

右漢桂陽太守周府君碑歐公謂其名已殘闕但知

其字為君光而已趙氏引曾南豐之言謂周君名昕
以為歐公考之未詳而其後小字復謂歐公集別有
一跋云周君名憬而又以為字頗近之予按隸釋云
君諱憬字君光與歐公後跋正合則南豐所謂名昕
者固為失之而趙氏又何必置疑於其間哉

此碑元季廬陵陳謨跋謂漢刻本在隴上唐重刻本
在曲江廟中不知何時徙置郡學韶州守錢旭既新
府治以韶在漢屬桂陽乃徙置之後楊文貞公跋亦

云碑在韶州府治按府治今為王府碑由是仍徙
曲江廟中東廣漢碑絕少所有惟斯而已

周府君碑陰

故曲紅長零陵重安區祉字景賢故含涯長南郡

關一
字

蒼陸字

關

夏故涇陽守長南平丞長沙漢昌塞祇字宣

節故行事耒陽華夏字漢威故荊州從事曲紅龔臺字

少謙故荊州從事曲紅郭蒼字伯起故荊州從事柳王

鼎字季尼故南部督郵曲紅龔維字

關

然故吏曲紅鄧

音字孝直故吏曲紅朱隲字義德故吏曲紅張涼字子
才故吏曲紅龔達字叔通故吏曲紅黃部字世尼故吏
曲紅周蓋字伯嘗故吏曲紅黃晏字子齊故吏曲紅馬
珪字元序故吏曲紅潭承字曼升故吏曲紅劉鵠字季
產故吏曲紅黃祺字叔仁故吏曲紅周習字仲鸞故吏
曲紅劉越字子省故吏柳褚禧字關讓故吏耒陽蔡關
字已明故湏陽左尉零陵泉陵關三故吏湏陽劉萌字
仲關故吏湏陽左勝字仲升故吏湏陽左猷字妙舉故

吏涇陽宋碩字子張故吏含涇堯禹字公制故吏含涇
張邵字曼威故吏含涇黃詳字伯節工師南陽宛王遷
字子彊

漢衛尉衡方碑

府君諱方字興祖肇先蓋堯之苗本姓闕二則有伊尹

在殷之世號稱阿衡因而氏焉闕三土家于平陸君之

烈祖少以儒術安貧樂道履該顏原兼脩季由聞斯行

諸砥仁癘闕四土階夷愍之貢經常伯之賓位左馮翊

先帝所尊垂名竹帛考廬江太守兄鴈門太守

闕三字

考

長發其祥誕降於君天資純懿昭前之美少以文塞敦

龐允元長以欽明耽詩悅書

闕三字

秋仕郡辟州舉孝廉

除郎中即丘侯相膠東令遵尹鐸之導保鄣二城參國

起按班叙

闕三字

本肇末化速郵置州舉尤異遷會稽東

部都尉將繼南仲邵虎之軌飛翼軫之旌操參

闕三字

綏

來王之蠻會喪太夫人感倍人之凱風悼蓼莪之劬勞

寢闇苦

闕一字

仍

上言倍榮向哀札服祥除徵拜議郎

右北平太守尋李廣之在邊恢魏絳之和戎戎戢土佚

費省巨億懷

闕四
字

靜有績遷潁川太守脩清滌俗招拔

隱逸光大茅茹國外浮

闕一
字

淡界繆動氣泄狂

闕五
字

歸

來洙泗用行舍藏徵拜議郎遷太醫令京兆尹舊都餘

化詩人所詠並有亡新君

闕四
字

隆寬慄鶉火光物隕霜

剿姦振滯起舊存亡繼絕恩降乾太威肅剝坤本朝錄

功入登衛

闕二
字

翼紫宮夙夜惟寅委蛇在公有單襄穆

典謨之風詔選賢良招先逸民君務在

闕

失順其文舉

已從政者退就勅中永康之末君衛孝桓建寧初政
朝用舊臣留拜步兵校尉處六師之帥維時假階將授袞
職受任浹旬奄離寢疾年六十有三建寧元年二月五
日癸丑卒詔遣使

闕二字

弔賻禮百賓臨會莫不失聲其

年九月十七日辛酉葬蓋雅頌興而清廟肅中庸起而
祖宗

闕

故仲尼既歿諸子綴論斯干作歌用昭于宣

闕一

字以旌德銘以勒勲於是海內門生故吏

闕三字

采嘉石

樹靈碑鐫茂伐祕將來其辭曰

我我我君懿烈孔純高朗神武歷世忠孝馮隆鴻軌不忝
前人寬猛不主德義是經韜綜頌闕溫故前呈攬英接秀踵

迹晏平初據百里顯顯令聞濟康下民曜武南會邊民是

鎮惟闕三

憂及退身叅議帝室剖符守藩北靖

闕二有闕

有聲旋守中嶽幽滯以榮邁種舊京

闕四

含澤戴仁

闕二

攸寧克長克君不虞不陽維明維允燿

缺

聲香能愆能

惠冠亮天功入統

缺

赴赴光光法言稽古道而後行兢

兢業業素絲羔羊閭閻侃侃顯顯昂昂蹈規履禁金玉其

相謖謖王臣羣公憲章樂只君子

缺二字

無疆銘勒金石

缺五字

萬世是傳

門生平原樂陵朱登字仲

右漢衛尉衡方碑其叙門閥云伊尹在殷號稱阿衡

因以為氏君考廬江太守兄雁門太守叙官秩云歷

郎中即丘侯相膠東令遷會稽東部都尉徵拜議郎

北平潁川兩太守太醫令京兆尹入登衛尉至步兵

校尉叙卒墓云年六十三建寧元年二月五日癸丑

卒其年九月十七日辛酉墓大字詳悉頗為完好漢

碑中之不易得者洪丞相謂碑云履該顏原即顏淵
原憲子觀其下繼之云兼修季由蓋仲由一字季路
季由即季路也

金薤琳琅卷五